




Služba za privredu
Broj: 02/1-12-17-156/2026
Breza, 20.01.2026. godine



Stručna služba Općinskog vijeća
Ovdje,

Predmet: Odgovor na vijećničko pitanje, dostavlja se

Na 13. redovnoj sjednici Općinskog vijeća, održanoj dana 26.12.2025. godine., u okviru vijećničkih pitanja, vijećnik Mirza Smailbegović, podnio je u pismenoj formi pitanje, koje glasi:

„Iz kojeg razloga nije raspisan poziv i isplaćena subvencija za razvoj poduzetništva i obrta u 2025. godini iako je ista bila predviđena Budžetom“.

U vezi s postavljenim pitanjem koje se odnosi na subvenciju za razvoj poduzetništva i obrta, dajemo sljedeći odgovor:

Općina Breza je, nakon pojave pandemije uzrokovane virusom COVID-19, Budžetom planirala i provodila Program pomoći poslodavcima, koji se sastojao od dvije mjere, i to:

- subvencioniranje doprinosa na teret osiguranika (sufinansiranje poreza i doprinosa za jedan mjesec) i
- podrška novootvorenim obrtima (sufinansiranje poreza i doprinosa za tri mjeseca).

Navedeni Program imao je za cilj ublažavanje ekonomskih posljedica pandemije, te se redovno razmatrao i donosio na sjednicama Općinskog vijeća sve do 2025. godine.

Međutim, Općina Breza je u narednom periodu izrazila jasno opredjeljenje ka razvojnom modelu podrške, koji se odnosi na:

- podršku obrtima koji su već pokrenuli biznis i planiraju nova zapošljavanja,
- podršku novootvorenim biznisima, te
- podršku domaćinstvima koja imaju održive biznis ideje.

Ovaj Razvojni program ima jasno definisanu namjenu sredstava, isključivo za ulaganja u razvoj biznisa, s ciljem stvaranja novih radnih mjesta, jačanja lokalne ekonomije i osiguranja stabilnih budžetskih prihoda u narednom periodu.

S tim u vezi, Općina Breza je u januaru 2025. godine aplicirala na Javni poziv Caritasa Švicarske za iskazivanje interesa i učešće općina/gradova u projektu

„Socio-ekonomska održivost i podrška lokalnom stanovništvu“(SELL II), koji podrazumijeva dodjelu finansijske i stručne podrške korisnicima projekta.

Fokus projekta je unapređenje upravljanja u općinama i gradovima, jačanje malih i srednjih preduzeća (MSP), te usklađivanje stručnog obrazovanja i obuke (TVET) s potrebama tržišta rada, uz identifikaciju sektora s visokim razvojnim potencijalom, kao što su: poljoprivreda, agroturizam, turizam i mala proizvodnja.

Općina Breza je odabrana kao jedna od osam općina za saradnju u okviru ovog projekta na period od tri godine, te je potpisala Memorandum o razumijevanju s Caritasom Švicarske. Za navedeni period, pored finansijskog učešća Caritasa Švicarske u iznosu od 152.000,00 KM, Općina Breza će izdvojiti približno 150.000,00 KM za podršku obrtima i domaćinstvima u razvoj njihovih biznis ideja, kao i tehničku i stručnu podršku.

Ovakvim pristupom Općina Breza osigurava održivu i ciljanu podršku privredi, usmjerenu na razvoj biznisa, nova zapošljavanja i dugoročni ekonomski napredak lokalne zajednice.

S poštovanjem,


Obrađivač:
Eldina Dervišević



Dostavljeno:
 Naslov
1 x Arhiva




Pomoćnik načelnika
Haris Nefić



JAVNO PREDUZEĆE "KOMUNALNO" D.O.O. BREZA

UL. ZAVNOBiH- a br.6 71370 Breza

Broj: 02-90-1/26
Breza, 16.01.2026. godine.



➤ **Stručna služba Općinskog vijeća i Općinskog načelnika**

PREDMET: Odgovor na vijećničku inicijativu, dostavlja se-

VEZA: Vaš akt, broj: 01/1-02-136-1/26 od 12.01.2026. godine.

Poštovani,

aktom veze, dostavljena je vijećnička inicijativa od strane vijećnika Općinskog vijeća Breza, Malika Čorbe, a koja se odnosi na redovan odvoz komunalnog otpada oko poslovnih objekata u Donjem zanatskom, kao i da se izvrši detaljna inspekcija kanalizacionog sistema na navedenoj lokaciji zbog neprijatnog mirisa.

Shodno navedenom, obavještavamo Vas da je JP "Komunalno" d.o.o. Breza izvršilo detaljnu provjeru kanalizacionog sistema na pomenutoj lokaciji. Sistem je u potpunosti ispravan i funkcioniše bez tehničkih poteškoća.

Također, uvažavajući primjedbe poslovnih subjekata i potrebu za održavanjem urednog okruženja, JP "Komunalno" d.o.o. Breza će pojačati dinamiku odvoza komunalnog otpada u zoni poslovnih objekata. Na ovaj način osigurava se redovno i kvalitetno pružanje usluge, te očuvanje higijenskih i estetskih standarda u javnom prostoru.

Zaključno, JP "Komunalno" d.o.o. Breza ostaje posvećeno kontinuiranom praćenju stanja infrastrukture i prilagođavanju operativnih aktivnosti potrebama građana i privrednih subjekata.

S poštovanjem!

Obradio:  Zahirović Enes

Dostavljeno:
1 x Naslov,
1 x a/a

Direktor


ma. Ermin Likić, dipl. ing. maš.

Por.br.01000312, Općinski sud Zenica br.rj:U I-2109/05
PDV broj: 218087170004, ID broj: 4218087170004,
Tel: +387 32 78 34 91, fax: +387 32 78 36
e-mail: jpkbreza@bih.net.ba, jpkbreza@gmail.ba

1010000071262640 Privredna banka
1344701006764927 Asa Banka
3389002207948542 UniCreditBank
1542602003760511 IntesaSanPaoloBankad.d.



Služba za finansije, inspekcijske poslove i opću upravu

Broj: 03/1-2-33-154/2026
Breza, 16.01.2026.godine

**STRUČNA SLUŽBA OPĆINSKOG VIJEĆA
I OPĆINSKOG NAČELNIKA**
Ovdje

Predmet: Odgovor na vijećničko pitanje, dostavlja se.-

Na 13.redovnoj sjednici Općinskog vijeća Breza održanoj 26.12.2025. godine, u okviru vijećničkih pitanja i inicijativa, vijećnik Malik Čorbo je u pismenoj formi uputio pitanje, koja glasi:

„Na prostoru oko poslovnih objekata u zoni poznatoj kao donji Zanatski centar već duži vremenski period prisutan je intenzivan i neugodan miris kanalizacije, a stanje čistoće je izuzetno loše. I pored postavljenih kontejnera, otpad je razbacan po parkig prostoru i između zgrada, naročito gdje nema poslovnih objekata. Molim da se organizuje redovan sedmični obilazak komunalnih radnika u cilju održavanja higijene, te da se izvrši detaljna inspekcija kanalizacionog sistema zbog neprijatnog mirisa koji se širi kako van, tako i unutar poslovnih prostora.“

Postupajući po upućenom vijećničkom pitanju, sanitarno-komunalni inspektor Općine Breza izvršio je inspekcijski nadzor na predmetnoj lokaciji. Tokom obavljenog nadzora nisu utvrđene nepravilnosti na kanalizacionoj mreži, niti su uočeni kvarovi, ostećenja ili nefunkcionalnosti koje bi mogle uzrokovati širenje neugodnih mirisa. Utvrđeno je da se neugodni mirisi povremeno pojavljuju, prvenstveno u zavisnosti od vremenskih prilika (povećana vlažnost zraka, promjene temperature, bez vjetera i sl.), što ne predstavlja dokaz postojanja tehničkog kvara ili povrede važećih propisa.

Također, u trenutku vršenja nadzora nije utvrđeno nepropisno odlaganje otpada niti sanitarno-higijenski nedostaci koji bi zahtjevali inspekcijsko postupanje, a što ne znači da istog nije bilo u prethodnom periodu, gdje je inspektor morao poduzimao odgovarajuće mjere.

U cilju preventivnog djelovanja, sanitarno-komunalni inspektor je uputio preporuku nadležnom komunalnom preduzeću da, u okviru svojih redovnih aktivnosti, pojača mjere održavanja i čistoće na predmetnoj lokaciji.

O svim eventualno budućim promjenama stanja, nadležna inspekcija će postupiti u skladu sa važećim zakonskim ovlaštenjima.

S poštovanjem,

Dostavljeno :

- 1x Naslovu
- 1x Pomoćnik načelnika 03/1
- 1x Evidencija
- 1x a/a



Sanitarno-komunalni inspektor
Bilada Šehović, dipl.ing.hem.



Adresa: Bogumilska br.1 tel: 032/786-061 centrala, 032/786-027 inspekcija,
fax: 032/786-031, 032/786-041
e-mail: inspekcija@breza.gov.ba www.breza.gov.ba

